



UNIVERSITÄTS-
BIBLIOTHEK
PADERBORN

**Auctarium. Sive Additiones Ad Viri Clarissimi Henr. Zoesii
J.V.D. Universum Jus Canonicum**

**Geismar, Justus Moritz von
Coloniæ Agrippinæ, 1691**

Ad tit. XXXXI. de restitutione.

[urn:nbn:de:hbz:466:1-62259](#)

cum Chor. Episcopi tantum ordinati fuerint ad Ecclesiam ordinario subiectam, quod quemadmodum de jure fieri non debet, quoniam in eadem Civitate plures Episcopos jurisdictionem habentes esse non convenit, ita & Chor. Episcopi cassati & amplius in usu non sunt. *Layman, lib. 5. Tract. 9. cap. 9. num. 2.*

AD TIT. XXIX.

AD Num. 21. *adde*: Ubi observa, quod Delegatus debeat citato inserere verba commissionis delegatae, originale autem comparenti ostendere. *Myns. 3. obs. 1.*

Ad Num. 38. post verba L. 1. §. si Judget ff. de judic. adde: Sic prorogari quidem potest de tempore ad tempus, non etiam de persona in personam. *Thom. Trivis. 1. decis. 49.*

AD TIT. XXX.

AD Num. 6. *in fin. adde*: Ubi incidenter nota, quod Nuncius Apostolicus debeat servare Ferias, vel Curiae Romanæ vel Civitatis in qua jus dicit. *Trivis. 1. decis. 31.*

AD TIT. XXXI.

POst verba de offic. legat. in 6. *adde*: Sic etiam non possunt agnoscere causas civiles Regularium contra ipsos motas, vel quovis modo defraude. *Trivis. 1. decis. 33.*

AD TIT. XXXII.

AD Num. 4. *in fin. adde*: Ubi inci-

denter nota, quod publici Doctores Magistratibus civilibus præponendi sint. *Vernul. Instit. polit. lib. 3. tit. II. §. 7.*

AD TIT. XXXVIII.

AD finem Tituli post hac verba L. 6. *hoc tit. adde*: Advocatus quidem potest in causis civilibus causam minus probabilem suscipere, dummodo cliens de majori probabilitate admoneatur, non tamen licet in causa criminali dubia tueri partes Actoris sive Accusatoris, qui in tali casu graviter peccat contra reum, idem si agatur contra possessionem qui in iustè vexatur, cum in dubio judicetur pro eo. *Busenb. lib. 4. cap. 3. dub. 3.* In causa tamen criminali potest reum etiam fontem defendere, quia reus non tenetur ad poenam nisi convictus, ergo potest illa per se, vel per alium avertere, donec convincatur *Busenb. d. 1.*

Item tenetur pauperibus in gravi necessitate gratis patrocinati sine notabili tamen suo incommodo.

Advocans scienter in causa iusta, tenetur patti contra quam patrocinium præstitut ex peccato commissionis, damna resarcire, parti autem cui inseruit, ex peccato omissionis. Ita Busenbaum dicit locis.

AD TIT. XXXXI.

De Restitutione.

AD Num. 6. *post hæc verba*: I. quod omnes de R. 7. in 6. *adde*: Præviâ cause cognitione, in qua primò versatur, nam res minimafit, propter quam restitutio postulatur, neque enim obmini-

minimam causam id, quod bona fide aetum est, rescindi debet. L. Res bona fide ff. de action. empt. quod potissimum obtinet, si causa majori præjudicium fieret, l. 4. ff. b. t. Præstat enim in re vel quantitate modica læsum manere cum, qui restitutionem petit, quam quid majus rescindi, quæ autem res minima vocetur, Judicis arbitrio committi debet. Cavar. lib. 1. var. resol. cap. 3. nn. 11.

Secundò in causa cognitione versatur, an auxilium commune & ordinariū supplicanti competere possit, quo habito ipsi succurrentum non est per remedium Extraordinarium L. in causa 16. in princ. ff. de minor. Quin tamen possit etiam in tali causa Pontifex seu Princeps si velit restituere & auxilium extraordinarium impetriri, dubium non est L. 1. §. defertur ff. de bon. possess. secund. tab.

AD TIT. XXXXIII.

De Arbitr.

AD Num. 3. ad fin. addo: Nisi tamen fides aut turpitudo arbitri sit manifesta, tunc enim arbiter ad ferendum laudum compellendus non est, velsi litigatores ipsum infamaverint. L. sed s. 9. §. 3. & 4. ff. b. t.

Non cogetur etiam arbitrium suscep- tum prosequi, si se partes semel spreverint, & ad alium iverint, etsi in coniuncti partes pœnitentia. L. 9. in fin. l. 10. & 11. ff. b. tit. Si plures sint arbitri, omnes adesse debent, adeò ut si duo ex tribus ad sint, dictum illorum tertio absente nullius sit momenti. L. scuti 18. ff. eod. potuisse enim tertius reliquos

duos in contrariam sententiam allatis rationibus traxisse, quamvis si omnes presentes fuerint id prævaleat, in quod plures consentiunt, d. 1. 18. Inimicitæ etiam capitales si superaverint etiam cum altero litigatorum excusat arbitrum, uti & ætas vel adversa valētudo. L. licet 15. ff. eod. Quod etiam obtinet, si alter litigantium bonis cedat. L. 17. in princ. ff. eod. Ratio est, quod nulla foret exactio poenæ contra illum, qui foris cessit. Eodem modo arbiter non tenetur sententiā proferre, nisi uterque ex litigatoribus pœnam compromiserit, & quidem purè, nam si unus tantum compromitteret in pœnam claudicaret compromissum contra. L. litigatores II. §. penult. ff. b. t.

AD LIBRUM II.

AD TITUL. I.

DE judic. ad finem Tituli: Porro sine jurisdictione judicium stare non potest, juxta vulgaram regulam quæ habet, quod extra territorium jus dicentiū impune non parcatur. L. fin. ff. de jurisd.

16. Jurisdicō definitur quod sit potestas publica statuendi & exequendi quid super negotio civili vel criminali, vel secundum Cujacium est notio, sive definitio causarum Magistratui proprio jure competens: ubi notio recte ponitur loco generis, cùm laxius patet, & competit etiam Judicidato, qui tamen in definitione non comprehenditur.

17. Jurisdicō alia est voluntaria;

B 2

alio